

Dornskridoù milin : Kanaouennoù

## 78. KIMIAD EUR C'HERNEVOD D'HE VRO

1. Ann diveza iouaden  
 n'em goll war ar mene  
 adeo 'ta kanaouen  
 euz bro kez a guerne.  
 adeo kaera Iliz  
 a Guemper Kaourintin  
 adeo da iaouankiz  
 adeo da c'hoarzin.

Diskan  
 allo, allo; allo, allo,  
 adeo da iaouankiz  
 na meuz mui da c'hoarzin.

2. C'hui mignonezet devod  
 euz a barrez Ergue  
 da 'ti Itron Kerzevod,  
 c'hui yalo adarre,  
 da lakat ho koulaouen<sup>o</sup> °+M :lakeit eur c'houlouen  
 'tal ann aoter heno,  
 ha lavaret eur beden  
 evid potret ho pro. - Allo, allo ....

3. Euz palud Santez Anna,  
 euz e grec'hennou trez,  
 ne velet mui pesketa  
 e mor douarnenez,  
 na gourin e Sant Kadou  
 na redet e Kerahez  
 na dansal d'ar biniou  
 berr el leuriou nevez.

4. Deuz Santez Anna Vened  
 ne teufomp mui en dro.  
 gant hor c'hroasiou trezennet  
 euz ar c'haera kolo,  
 ne rafomp mui assamblez  
 da Biskwez d'oll Breiz; ° Komp.: Breiziz  
 hor rubanou Sant Silvestr  
 Kernevoded hardis.

Dornskridoù Milin : Kanaouennoù

5. Kenavo da Rumengol  
Kenavo d'ar Folgoat  
Kenavo da Sant Pol  
Kenavo d'ar bech-vad  
d'Itron Varia Kleden,  
d'ann aotrou Sant Urlo,  
ha d'ann Aotrou Sant Ujen  
ha d'ann oll pardonio.

6. Red eo eta partial  
evid mont d'ann Alger  
inutil eo d'omp sonjel  
distroi morse d'ar guer,  
rak hervez prophetezou  
er blavez daou ugent  
gant brezel ha klevejou  
ar bed a chencho penn.

7. Eunn dra deu d'am c'honsoli,  
rak re a meuz klevet  
'lec'h ma yaon da gombati  
n'euz 'met morianed  
ho laza neket pec'het  
rak r'int ket kristenien  
gwas int eguet Saouzounet  
hor gwal adversourien. ---

vvvvvvvv